



Na skladu sa članom 70. stav (3) i članom 28. Zakona o javnim nabavkama BiH („Sl. glasnik BiH“, broj: 39/14), i člana 27. Pravila Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za izbor najpovoljnijeg ponuđača, direktor Ustanove dana donio je sljedeću:

## **ODLUKU**

### **I**

U postupku nabavke mliječnih proizvoda provedenog putem pregovaračkog postupka bez objave obavještenja, kao najpovoljniji ponuđač izabran je „Redex“ d.o.o. Banovići.

### **II**

Zadužuje se Služba za opće i pravne poslove Ustanove da obavijesti ponuđača o izboru najpovoljnije ponude iz člana I ove odluke.

### **III**

Vrijednost ove nabavke iznosi 2.517,00 KM bez PDV-a, a postupak je pokrenut Posebnom odlukom o pokretanju broj 271/2019 od 17.01.2019. godine.

### **IV**

Odluka stupa na snagu danom donošenja i ista će biti objavljena na web stranici Ustanove.

## **OBRAZLOŽENJE**

Predmetni postupak je proveden putem pregovaračkog postupka bez objave obavještenja o nabavci, a zakonski osnov za provođenje navedenog postupka javne nabavke predstavlja član 22. stav (1) tačka b) i član 28. Zakona o javnim nabavkama BiH. Član 22. stav (1) tačka b) ZJN BiH određuje da ugovorni organ može izuzetno provesti navedeni postupak u slučaju ugovora o javnoj nabavci za dodatne isporuke od dobavljača iz osnovnog ugovora ako bi promjena dobavljača dovela do značajnih poteškoća u funkcionisanju, pod uslovom da vrijeme trajanja ugovora koji se ponavlja ne smije biti duže od jedne godine kao i da vrijednost novog ugovora ne smije preći 10% vrijednosti osnovnog ugovora, što je u ovoj situaciji slučaj.

S tim u vezi, a u cilju obezbjeđenja uslova da se proces rada JU „Naše dijete“ Tuzla nesmetano odvija, odnosno da se omogući kvalitetno pripremanje obroka za korisnike usluga Ustanove za čiju pripremu su potrebni mliječni proizvodi, pokrenut je navedeni postupak predmetne nabavke.

Ponuđač „Redex“ d.o.o. je dostavio inicijalnu ponudu broj: 01-315/2019 u ukupnoj vrijednosti od 2.517,00 KM bez PDV-a, a s obzirom da su predviđeni pregovori održani 24.01.2019. godine, na istim se predstavnik ponuđača izjasnio da su ponuđene cijene u okviru tržišnih cijena za predmetnu nabavku, da nema prostora za smanjenje cijene iz specifikacije, te da ostaju pri prvobitno ponuđenoj cijeni iz dostavljene inicijalne ponude.



JAVNA USTANOVA ZA PREDŠKOLSKI ODGOJ I OBRAZOVANJE  
„NAŠE DIJETE“ TUZLA  
KREČANSKA BROJ 3, 75000 TUZLA  
ID BROJ: 4209046740000    CENTRALA/FAX: +38735369920  
n-dijete@bih.net.ba    www.nasedijete.ba

Ugovorni organ je prilikom provođenja predmetnog postupka vodio računa da ugovorena cijena ne bude veća od uporedive tržišne cijene za robu istog kvaliteta i sa dužnom pažnjom je provjerio kvalitet predmeta javne nabavke. U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjele ponude, shodno kriterijima iz tenderske dokumentacije, te je ponuđač pozvan na dodatne pregovore. Shodno tome, ugovorni organ je konstatovao da ponuđač „Redex“ d.o.o. Banovići ispunjava uslove, da je ponuđena cijena prihvatljiva i u okviru raspoloživih sredstava za predmetnu nabavku, te je iz tih razloga odlučeno kao u dispozitivu.

**Pouka o pravnom lijeku:**

Protiv ove Odluke može se uložiti žalba direktoru Ustanove u roku od 10 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3.

**DOSTAVLJENO:**

1. Direktor Ustanove
2. Službi za EFP
3. Arhiva



DIREKTOR

*Sanja Karić*

/ Karić Sanja, dipl. iur /

Broj: 439/2019  
Tuzla, 24.01.2019.

*Handwritten signature*